



ԱՄԵՆԱՅՆ ՀԱՅՈՑ ՎԵՀԱՓԱՌ ՀԱՅՐԱՊԵՏԻ
ԾՆՈՐՀԱՎՈՐԱԿԱՆ ԳԻՐԸ ՓՐԿՉԻ ՀՐԱՇԱՓԱՌ ՍՈՒՐԲ
ՀԱՐՈՒԹՅԱՆ ՏՈՆԻ ԱՌԹՎ՝ ՈՒՂՂՎԱԾ ՀԱՅԱՍՏԱՆՅԱՅՑ
ԵԿԵՂԵՑՈՒ ՆՎԻՐԱՊԵՏԱԿԱՆ ԵՐԵՔ ԱԹՈՌՆԵՐԻՆ,
ԹԵՄԱԿԱԼ ԲՈԼՈՐ ԱՌԱՋՆՈՐԴՆԵՐԻՆ ԵՎ ԵԿԵՂԵՑԱԿԱՆ
ՀԱՄԱՅՆՔՆԵՐԻՆ

Սուրբ Հարության ավետիսով հղում եմ Ձերդ Ամենապատվության Մեր եղբայրական ողջույնը և Մեր հայրական օրհնությունը Սուրբ Աթոռիդ ուխտապահ միաբանության, թեմական, վարչական մարմիններին և համայն ձեր հավատացյալ ժողովրդին ջերմ մաղթանքով, որ Փրկչին մեր Քրիստոսի լույս Հարության շնորհները բաշխվեն առատապես բոլորիդ ու բոլորին, անասանություն Տիրախնամ Աթոռիդ, ի պայծառություն ձեր եկեղեցյաց և ի հոգևոր առավել շինություն ձեր հավատացելոց հոգևոր կյանքի: Սուրբ Հարության ավետիսը մանավանդ մեր Եկեղեցվո և ժողովրդի համար տխուր այս օրերին հանդիսանում է հույսի և վերածնունդի ավետիս:

Քրիստոս հարյավ ի մեռելոց: Ձեզ և մեզ մեծ ավետիս:

Մեր և խաղաղություն ընդ ձեզ: Ամեն:

ՎԱԶԳԵՆ Ա.

ԾԱՅՐԱԳՈՒՅՆ ՊԱՏՐԻԱՐԷ ԵՎ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ

Ա. Էջմիածին

• •

Փրկչի հրաշափառ Սուրբ Հարության տոնի առթիվ Ամենայն Հայոց Վեհափառ Հայրապետի անունով ստացվեցին ամենաջերմ և հարգալից զգացմունքներով զեղուն թագմաթիվ շնորհավորական հեռագրեր և նամակներ մեր նվիրապետական երեք Աթոռների գահակալներից, արտասահմանի և ներքին բոլոր թեմերի առաջնորդներից, ազգային-եկեղեցական, մշակութային, հայրենակցական, տիկնանց, օրիորդաց և երիտասարդաց զանազան կազմակերպություններից, հայ և օտար պաշտոնական անձնավորություններից:

Հանուն Հայոց Հայրապետի ջերմ շնորհակալություն եմք հայտնում ստացված պատասխան շնորհավորականների համար:

